

第十六册

卷四十 傳第五

列傳五 國朝

卷四十 傳第六

列傳六

儒林 文苑

卷四十二 傳第七

列傳七

忠烈 孝友

常德府志

卷

目錄第十六册

列傳

國朝

志於人物取材史傳佐以記載諸書尙矣 國朝之人嗣見未周去取不敢自擅則著其傳聞必有自焉

胡統虞字孝緒號此菴武陵人父應斗有孝行世父應魁明隆慶選貢歷

官宣威州知州雲南府知府應旂舉萬歷壬子任信陽知州 統虞生有異徵少授書過

目不忘潛心理學旁及孫吳穰苴攻戰之法神仙方技莫不貫穿精微薈撮成書崇禎癸未登進士改庶吉士甲申之變被執不屈自經者再賊邏守之未幾我

常德府志

卷四十

列傳國朝

一

師大破賊於關門得不死乃變姓名走固安會

詔以原官起用爲邑令所跡弓旌列門固辭不受大學士范文程束帛聘之曰統虞今之許衡也不可失敦迫就道旋授 國史院檢討丙戌會試充同考官八月再舉鄉試充順天正考官丁亥超拜國子監祭酒時方開創統虞議立規條作明善四禁以勵諸生每三月一講學於彝倫堂環橋門聽者日昃忘倦己丑纂修

太宗文皇帝實錄充副總裁官晉禮部尙書尋拜內秘書院大學

士教習庶吉士講學萬壽宮高恒懋戴玉綸吳就恒孫光憲等皆受業有御史張煊者與統虞同巷居疏論執政□

訕謗論死或譖御史疏實出統虞手邏者四出統虞幾不免壬辰會試充大總裁官率同僚爲誓詞盟於神務在獎拔單寒榜發貴游多被黜以首題專主用人不合朱註脅首揆論劾有再行會試之議已而勅部科磨勘會元程可則並同榜削去者凡幾人統虞下考功議鐫六級調用方事之殷也統虞嘿無一語但負咎自怨而已識者以爲得大臣體四月降補秘書院學士以病卒於邸第□無一金惟圖書數千卷棺衾含禭諸門人爲之經紀統虞孝於親友於兄弟遇

覃恩賜廕輒先以予之戊子主秋闈者爲統虞所取士長子

常德府志

卷四十

列傳國朝

二

覲徵當就試某造膝而請正色拒之覲徵竟不第萊陽宋琬爲統虞丙戌所取士受知最深戒閭者曰宋生來風雨疾病必納也所著語錄明善堂集兄順虞字孝升以明經官大足知縣弟新虞以恩廕光祿寺署正長子覲徵字四庸拔貢生著有蕪城詩集次泰徵廕蔭貢生師事華亭蔣大鴻有學行季獻徵

獻徵字存仁以父廕任督察院經歷轉主事爲太倉監督遷員外郎晉刑部郎中治獄多平反旋以諳練典故預修大清會典成議叙補直隸巡道護理巡撫印務所在以勤慎□陞湖北布政使未任調補江蘓未經部題蓋異數也□

江蘓措施畧具成效未幾與大僚議事齟齬謝病解職十餘年調赴永定河工効力以病卒子期恒字元方康熙乙酉舉人四十四年

聖祖仁皇帝南巡期恒同高不騫郭元紆等獻詩得首弁旋授翰林院典籍校書南書房與修佩文韻府七載出判蜀之遵義府判斷積案治郡有恩信人尸祝之陞夔州守聲蹟益著歷川東道擢陝西藩司雍正元年巡撫甘肅驟致通顯爲川督年羹堯所薦以詳揭不實改任尋下獄十年釋歸掌教廣陵之梅花書院數年卒著蜀道等集期慎直隸河間府同知期頤見文苑繩武例貢歷官臨江府通判宸

常德府志

卷四十

列傳國朝

三

基例貢歷官輝衛知縣陞邵武同知

通志 參宋琬撰墓誌

丁學顯武陵人事母以孝聞順治辛卯登賢書任阜城令有

治劇才兼攝景州士民頌其清操

通志

符國瑞字楚珍龍陽人順治辛卯副榜任荆門州學正以教  
育爲己責歲得常俸率分給寒士署沔陽州時討西山賊  
民苦奔命招徠撫字州人德之

通志

陳維國字大治號坦山武陵人明山東按察司仲錄孫順治  
壬辰進士初與父避兵山中賊欲殺其父維國引頸求代  
刃刺左臂終不懼賊感其孝兩釋之宰山東信陽初任值  
河患賑災黎明年復旱禱雨輒應歲大穫邑人歌曰倪城

有一令兩載活爾命□□有一尹兩載命不殞及解任遊  
泰岱秦淮□諸名士相倡和歸里家徒壁立舌耕爲活里  
中門爲老教書不顧也康熙十三年滇逆犯常開科取士  
以文□徵之不就令使者仗劍至門違則取頭來維國祝  
髮逃□山五年卒免僞命十七年 太兵底定貝子親王  
及綏遠將軍延至幕勞之稱爲完人欲薦於朝以老辭卒  
年八十六雍正二年邑人楊縉夏夢筆等呈請入鄉賢會  
當路有事不果申著文集詩集若干卷學冊參舊志  
草書學懷素能善

擘窠大書湘潭  
王岱嘗序其集

劉昌臣字又昌號山癯常德衛人順治乙未進士初任刑曹

常德府志

卷四十

列傳國朝

四

恤刑真定有孕婦冤禁洗釋之陞按察僉事提學山東田

霞雯初入試  
爲所其賞識試必引諸生羅立案側揭經義疏及爲文法

度口講指畫不少倦齊魯士習文風爲之一變轉浙江糧

儲參議 大兵入閩躬督運餉至嚴州會土賊竊發留駐

籌畫賊遂平一時有兼資文武之稱卒於官通志  
秩滿歸里六

載再起任浙江糧儲道寧波守備安時泰者督運中道運  
丁猝發難自相殺論者欲以倡亂上聞昌臣力爭止誅首

禍所保全甚多署理藩政適浙西衢婺間軍變旁午昌臣  
循環飛輓事以辦集其近境土寇乘機煽動昌臣同協鎮

相酌機宜勦撫並用各邑得以安堵三載  
拮据殫職不自恤卒於官著有思補堂集

陳觀聖字幻以武陵人前江西按察司仲命孫康熙戊戌進

士巡山西滎河令初下車有崔鳳薛士英井尸案前任以

打斃納井擬法覲聖詳閱謂手沙腹水係溺井詳請得活者九人榮河經賊凋敝捐俸買牛種招逃民數年墾荒至二百餘頃邑西北苦河汾交衝覲聖築堤功禁一切雜派榮人德之丙午分校秋闈稱得士按事實覲聖篤學廿餘年坐臥榻席皆穿分校得王寬領解餘閱七年考最行取陞四川簡州牧會吳逆四人俱捷南宮犯常未就任歸榮河人思慕之請祀名宦著有樂餘草堂集子系淑拔貢生

彭之鳳龍陽人順治戊戌進士選庶吉士在館中即練習時務遷監察御史歷戶禮刑科給事有請修實錄議靖西山賊籌積儲請緩征諸疏在戶科時請除優免帶派疏云順

常德府志

卷四十

列傳國朝

五

治十四年釐剔優免原欲均平賦役以甦民累乃有未蘓民累而反以累民者如楚省之優免是也先年楚省督臣祖澤遠等連章云楚省優免舊例與別省不同紳衿優免一分小民卽增一分帶攤派補原未減除額賦若照部文扣算充餉前銀竟在原額之外部覆疏稱賦役全書並未開優免紳衿銀兩於小民攤派誠如部覆所云彼時督撫按諸臣卽當再行執奏將優免攤派陋習開在由單而不載全書緣由鑿說明白此後一體徵輸卽應申飭各州縣照依全書則例改正由單均平賦役以蘇民累可也乃該督撫按聲說未明有司因循莫改仍照由單派徵竟爲小

民之累臣查賦役全書每丁該徵銀一錢八分三厘五臺八絲六忽零當年因有優免地方官恐將優免之數開除正賦便虧歲額故將合縣人丁每丁加派銀一分二厘零以補有免丁內應免銀數此順治十四年以前由單內攤派陋習也自十五年後停止優免則紳士既完本戶應完之賦在百姓自減本戶應減之銀照全書則例起科以符原額實數可也乃相沿至今攤派陋習依然未改再查秋糧一項全書原額每石止該徵銀七錢三分七厘零於全書則例外每石加派銀二分二厘八毫零是全書內雖無攤派小民字樣而按由單與全書交算其始也以有免之

常德府志

卷四十

列傳國朝

六

銀加於無免之戶以求足於歲額其繼也有免之戶既以扣回未免而無免之戶仍照舊加額試查歷年以來通省各州縣由單仍照十四年題報通省優免三萬九千二百二十四兩九錢零以爲定數逐年仍照原數催徵另解充餉是明明於全書原額年終奏銷冊外另此一項也嗟此小民昔年疊經兵火加以征勦四山竭□軍精元氣凋耗邇來穀賤如泥終歲所入隨手而散正□尙□□□外又行派徵以至節年包賠終無息肩之日豈不□□耶仰祈

皇上垂念楚民積苦

勅下該部從長□議令無□□□□

紳士扣回優免已足正額外將小民額外加派削除□□  
庶民困稍蘓而

皇仁廣被矣其在刑科時請酌改律例禁獄中塵羹土飯及獄

卒拷掠諸疏俱蒙 兪允晉光祿寺少卿卒於官通志□

沈可選字梓賢號棣園武陵人兄可濟篤學工文中順治丙

戌科任沅陵教諭可選順治丁酉舉人己亥 恩科進士

授陝西保安縣秦俗强悍可選導以禮讓旋以親老請終

養八載起復授廣東封川令陞山西代州牧所至以清廉

稱著孝義錄松月堂詩集孝義錄

羅人琮字宗玉桃源人順治辛丑進士初授寧波推官改朝

常德府志 卷四十 列傳國朝 七

邑知縣詳免災糧四千有奇有飛鴉逐蝗麥穗四岐之異

行取四川道御史上禁重耗策備荒勵風節立勸懲籌鼓

鑄薦舉人才纂修前史諸□都御史魏象樞有真御史之目

以叅奏互訐罷職歸詩酒自適按總督喻成龍檄縣謂其

國之儀型廟廊之峻望 著最古園四編芮政節錄等書為

大學士陳廷敬張玉書所推服卒年九十子緒字慎菴季

純字太清幼俱穎異能文父疾侍湯藥積月不倦逮喪皆

廬墓緒戊寅選貢授郴州永興教諭繼補靖州通道教諭

尋告歸丁未歲飢出粟助賑鄉人德之純由歲貢保舉□

工部製造庫行走有點吏私扣匠作工食輒□□□□授

屯田司主事仍兼攝製造庫事卒於官無以為殮同官□  
資歸其櫬通志

楊震生字又起武陵人以選貢授漳平知縣有治劇才民有  
積年逋欠久繫囹圄悉捐俸代完鎮兵有倚勢據民房者  
懲之如法民賴以寧陞德州知州通志

文志鯨字石濤桃源人鵠之子康熙辛未進士官檢討己卯  
典試山右壬午侍直 南書房 特簡視學兩浙以誹語  
改任 着查問燭其誣旋授邠州牧改刺瀘州循例入都  
陳履歷

上動容曰州牧非爾職仍居翰林晉左春坊左中允日講官起居

常德府志

卷四十

列傳國朝

八

注晉侍講充子史精華館總裁教習壬辰科進士進士教  
習自是科始蓋異數也充癸巳 恩科順天總裁官旋授  
鴻臚寺卿 召問河洛異同甲午典試廣西陞奉天府丞  
兼攝學政任滿授左通政復留學政任三年大學士朱軾  
初尹瀋陽

上命凡事當與文某議戊戌 特簡陞奉天府尹時瀋陽水旱頻  
仍志鯨一意撫綏發粟賑恤以嚴懲奸胥騰浮議欲改官  
□□知其廉不為動卒於任志鯨能文章立節概受

□□□皇帝特達之知屢迫謗議卒 蒙原□□之□□□□  
□□□外□屬士民爭賻助始□□里□□□□□□□□

□浩字二至號東瀾武陵人康熙癸酉舉於鄉令江山縣□  
政聲以行取授戶部浙江清吏司主事轉工部營繕司□  
理陝西道事未幾丁外艱歸服闋補貴州監察御史尋掌  
陝西道事雍正甲辰科充會試監試官浩自以州縣洊瀝  
清班每奏事輒蒙 兪允深感

憲皇帝知遇恩益勤職務圖報稱罔恤其身家卒工部屯田郎中

行狀增 按官御史時清復常德會館舊基竭力鼎  
修後來覲 光者有如歸之樂鄉人祀其主於館中

屠南字扶九希綱孫舉康熙癸酉令曲陽十二年潔己愛民  
不攜妻子不延幕客上司重其才守委署隆平新樂等縣  
攝隆篆時值邑潦南仿古人荒政拯恤得宜民困以甦刊  
常德府志 卷四十 列傳國朝 九  
有隆篆救災略

世宗憲皇帝幸五臺經上曲嘉其民情和樂輒蒙 賜問將破格

錄用旋以目疾引歸邑人伐石記其德著種麟草堂詩集

事實  
增

陳養元字正求號鹿山武陵人舉康熙癸酉鄉試除江南寧  
國令時方亢旱疫癘交作甫下車禱雨輒應煉藥丸走村  
里日起數百人疫頓止以便宜發常平義社粟以貸已乃  
革除編糧耗羨陋規歲約六七千兩廣積儲禁淫靡一切  
與之更始民大忭有民中刀傷死絕壁下無適主往驗見  
一婦緣林蹠望跡之得蘭若攜婦徑入僧二人見官攜□

來皆色變怒之則私婦而殺其夫也皆伏誅民夜行□僵  
尸里長首之養元知其非凶者諭曰吾懲爾爾首自殺當  
活爾及尸所民果自坐觀者皆歎惋中一人趾高自動叱  
繫之情狀盡發衆驚以爲神強記人物過目不忘民有罪  
不以差拘但坐族長甲里使自首始至牘如山積久之民  
自謂無可訟者邑介萬山多虎害養元率僚屬積誠爲文  
禱於神擇民勇力者爲約十日得一虎賞若干二則倍之  
越月虎患息寧人作歌頌之歌曰嗟天之覆何生不育胡  
我寧人獨遺布濩民罪實招  
天實爲之我侯曰嘻宰宰焉辭禱於神明罪宰而已於苗  
何辜三年旱死繼茲魍魎冥爾肆惡復遭白額助鬼爲虐  
跪奠陳詞神鑒聽我神感侯言既侑以妥曰雨曰雨白骨  
重肉官無苛政負子競渡我寧人兮和樂壽考侯之功兮

常德府志

卷四十

列傳國朝

十

後天不老

夏麥大熟兩岐者甚多至有四岐者寧人復作瑞麥

詩養元留心民事遇小災沴籌恤周至以寧邑山國雨水  
不恒畜時履隴畝監築塘壩去水遠者指示方道使開溝  
洫立灌田法邑彌月不雨爲禱於田既霑足邑西山門巖  
獨遺卽禱於其土之神須臾雨驟至民以爲禱雨而應未  
有如此之神者丙申秋旱宿郊外步行跣足爲砂礫傷已  
而雨民皆感泣求還不許曰西津橋沒足乃稍足耳是時  
徽寧赤地千里奉檄往勘歷涇縣旌德廣德太平建平徽  
歙等郡邑力請賑賙得粟十萬餘石蠲其丁糧請□□  
□□□□郡上□□數萬隨在興利除害其正開□□

事極陳名募流亡鑿山通道之害覆言於當事凡四□□止寧郡學額邑獨遺養元羅致邑中有才思者爲義學□而宏獎塾學數年人才寔盛後學使者科歲遂各拔二名造士接領鄉薦暇則延文士疏禮義制冠昏喪祭條約俗以大變寧人感養元振起斯文以西津書院爲陳公書院一時願見講學者甚衆署太平篆舊例漕倉兌付失期則坐時蒞太以仲冬距徵兌期僅十餘日養元減除耗羨太人約十日盡納之太人以賑故集衆弗戢當事者命往輯之至盡環跪泣謝自陳狀爲陳於督撫復得賑粟萬餘石詳所著政事錄中辛卯秋同考試南闈分給官卷不受得

常德府志

卷四十

列傳國朝

十一

徐起巖等正副九人皆江左寒峻越月關節生某事發同事者多不免養元獨泰然無所動養元所至人爭趨如赴壑署旌太兩邑篆及代民遮道乞留數日已入寧境攀轅從者猶絡繹於道辛丑行取入都寧人如失怙恃建祠西津上奔走號泣日以千數引見咨訪周詳隨命繕奏寧邑民情土俗山川形勢得優旨以五部主事補用回籍丁父艱雍正元年大學士張鵬翮專摺保薦

世宗憲皇帝以賢良

特召而養元前沒矣養元居家孝友敦睦

宗族置義田立宗祠周恤名人墨士及其子弟而刻其□文修輯寧志稱典核著有鹿山詩文集寧陽政事□□□

□邑代庖錄如千卷乾隆八年奉

□崇祀江南名宦十年崇祀鄉賢子長鎮傳見文苑

長鈞字殿九幼慧解聲律督學阮學浩以優薦入成均授武崗州司訓諸生貧者率割俸濟之援例分發滇省刺宣威州有私鑄案株連者三十餘人鈞一訊立出之莽匪緬匪差務旁午大吏倚辦驛站有勞績以委訊鄰邑命案被議回籍主鹿門講席七年里居時有湖北屯衛軍樊姓控部常辰二衛應補派餉費六千兩長鈞同邑人出身經理府縣屢詳得免倡修德山古塔捐助朗江書院膏火著有柱山詩存華麓志餘滇南水道考

鄉賢冊  
家狀

常德府志

卷四十

列傳國朝

十二

楊農正字夏朔號九扈山松子十四補弟子員旋食餼名動公卿有神童之目頃之滇南蠢動至郡索楊氏裔聞農正才亟欲羅致因隨父避遊宛南遂投筆從戎素有胆氣膂力過人都督周某擢爲部主遷桐柏鎮防引 見授黔省大定守戎從征紅苗水浸四十餘日以功保題入 覲陞授本標中營遊擊調武陵營子縉緒纘纘與族子超曾同中康熙乙未進士縉字雲紀康熙辛卯舉人選閩省州佐歷汀州之武平旋授龍巖佐邑俗尙桀驁廸以禮義設在倉週窘急申請藩司特建書院捐膏火延師課士立三□校文自定甲乙纂輯州志□士興□總督德以知府□□

引 見候陞旋謝病養疴林泉足不履城市者凡十九年  
楊紹字祇文號藥山山樛孫父農基明廕生因父喪失明授  
書數過輒成誦工詩能文時人比之張籍紹中康熙己丑  
進士授內閣中書紹少孤鞠於祖母入中書後請歸養者  
十餘年服闋授六合令邑飢勸諭平糶調吳縣令陞松江  
知府擢驛鹽道晉山東按察使慎刑章肅風紀雪積冤風  
厲特著以勞致疾蒙 恩遣醫診視尋陞直隸布政使以  
失察吏胥罷歸著有成趣園詩嗣弟綬子著曾舉康熙庚  
子鄉薦授廣西武緣令超曾撫粵西回避補東安潔己愛  
民民爲歌詞頌之歷補平和邢臺魏縣所至輒有能聲

常德府志

卷四十

列傳國朝

十三

楊超曾字孟班前太傅嗣昌曾孫父綬有賢行質產教子五  
人皆登科甲超曾生有異徵康熙五十三年舉於鄉明年  
成進士改庶吉士散館清書第一授編修雍正三年充會  
典館纂修四年入南書房侍直主湖北鄉試奉 命試竣  
回籍省親旋授陝西學政晉司經局洗馬陞左春坊左庶  
子六年調順天學政時長蘆商籍多外省冒考竈籍復冒  
民籍例由監道考送無從稽查超曾 奏請悉歸州縣七  
年留任晉侍講學士陞奉天府尹 奏增各屬養廉革除  
私派陋規 興京飢請於鐵嶺運米濟之時議添設錦州  
莊頭將原交種之退圈地畝揀發御史已 條上其事□□

上言地交民種立業既久今添□□頭百戶卽有萬戶無地可耕之民清丈動需經時復失小民西成之望議遂寢十一年總督倉場旋授刑部侍郎充文穎館八旗志書館律例館總裁官乾隆二年巡撫粵西初有異籍官生借墾報捐部議令該撫清查地方吏因緣射利實係熟田載荒額者概勒墾墾弊竇叢生超曾 奏覆以爲粵西田畝雖寬而土壤磽瘠民間除農作外別無生計倘於熟田內報墾陞科誠恐邊徼民生日蹙非深長體國之計所免加賦之田以數萬計各屬採買積穀飭就價賤之地依時值自行收買不問之里民積穀甚多三年陞兵部尙書四年充

常德府志

卷四十

列傳國朝

十四

明紀綱目副總裁五年總督兩江授吏部尙書鳳穎淮泗徐海六屬麥熟時河湖並漲窪下被水飭地方官便宜發糶給籽種具 奏以爲被水等處民情素輕去其鄉一遇水旱災沴輒攜家餬口四方恐致流離失所夏災原無賑卹超曾踰例請之上江臨淮鳳台等處二十四屬下江上元江寧等三十五屬水災皆極力賑卹疏凡數十上悉蒙俞允兩江財賦重地超曾荷倚任總大體勤察吏見吏治廢弛隨具 奏惟牧令職在親民當以民事爲家事而闖茸昏庸因循玩愒者比比皆是此輩在地方一日則小民卽受一日之累雖欸蹟未彰而無形之釀患更深不敢恤□

家之哭貪墨數十人悉次第劾去在任復站船增兵額撤  
冗稅濬支河凡關民利弊者皆次第舉行 上以超曾久  
歷封疆勞績懋著辛酉八月 特命回部視事未幾丁父  
艱奔喪歸里藁坐致疾薨訃聞

上震悼勅所司隆議典禮 子祭一壇賜碑文謚文敏超曾玉  
立長身神采煥發於書無所不讀爲文伸紙疾書不假瑣  
飾通籍後益勤學問嘗與汪昆鯨周穆門周闈然相倡酬  
詩自漢魏迄明能判別其源流正變潛心韻學於林亭顧  
氏西河毛氏毘陵郁氏諸家之書博覽旁証別有會歸一  
時推淵雅方授編修時清約自守人或譏其迂然砥行立  
常德府志 卷四十 列傳國朝 十六

節受 知實由於此湖南北分闡被 命爲湖北正考官  
廷臣謂超曾籍湖南例須迴避

□□皇帝卒破例用之風簷燈火卽昔年賓薦地蓋異數也于後重  
蒙 眷顧廻翔禁籞每 召對必移時乃出始終以忠藎  
受 三朝特達之知正色立朝無所依藉卒克有所建白  
爲時名臣乾隆十年奉 旨崇祀名宦鄉賢祠子羽早卒  
次植秉蔭光祿寺署正輯其詩文集十六卷藏於家羽傳  
見文苑植秉字均甫號梅冶有清操年三十妻死不再娶  
不置妾勝少工詩好讀書與朱梅冶景英陳梅岑長鈞以  
文章相切劘時號武陵三梅著有妙泉初藁植秉子孝驤

乾隆甲午舉人任江都令

鄉賢  
册參

蔚曾起曾景曾俱超曾弟蔚曾字宗林舉雍正甲辰副榜授嘉禾教諭起曾字少韓中康熙丁酉鄉試授江西星子令鄱陽湖有糧運數十艘遭風沉溺廉得其實爲力請免賠以治行最調南豐鋤強滋謗議解官邑人頌其惠愛刊琴石流音集景曾字幼清乾隆丙辰進士授山東茌平令歷補陽穀嘉定調金壇力懲刁健邑有數十年積逋景曾分別在役在民按年徵納積累一清以失察吏胥罷官羈遲吳下掌教靖江書院

楊氏  
譜

裴鱗字九罟領康熙癸酉武解甲戌進士歷任廣東黃岡協

常德府志

卷四十

列傳國朝

十七

副將潔己愛恤兵丁有譽望致仕歸兄鯨由武舉任江南興武幫千運

鉞字劍昭鯨長子隨季父鱗任黃岡副將以將材仕嶺表歷陞浙江定海總兵五年陞提督以支給兵餉被議旋里弟鏡字賢城年十二善騎射依伯兄鉞黃岡守備補戎行累官至藍翎侍衛 乾清門行走出爲臺灣總兵嚴飭賭金注食鴉片諸淫靡陞廣東高廉羅總鎮欽州之東興思汛與安南之江萍接壤夷民雜處數滋擾會議欲遷之鏡按民商具名籍日稽其出入人皆安堵得不遷調瓊州水陸總兵卒於官季鑲字鷺臣由武生中乾隆辛酉副□□

甄寧縣丞歷陞儋州知州古桄榔林宋蘓文忠公祠□□  
創書院益膏火田延師教諸生儋人士興起著有澳門圖  
說

文曙桃源人中康熙己亥 恩科雍正七年補峩眉縣累修  
石橋興霸陵堰人俱以文公名之邑歸化鄉係苗民內附  
地賦稅一千餘兩向由縣差親丁同武弁征收謂之馬價  
銀每正賦一兩有耗費至二三兩者曙惻然謂彼既歸化  
均屬赤子安忍異視爲通詳咨部馬價遂改爲條糧鄉民  
尸祝之乾隆二年行取引 見得

溫旨賜蟒服以直隸知州補用年已七十因告歸

常德府志

卷四十

列傳國朝

十八

貴金馬字蓮炬武陵人郡廩生雍正五年以孝友端方被徵  
分發河南署濬縣縣丞於獄中得二冤狀詳活三命擢授  
上蔡縣知縣先是蔡河壅鄰邑築障蔡幾爲壑不得耕金  
馬繪圖請䟽廢其障諸邑資其宣洩謝顯道蔡人也爲建  
祠堂刻其語錄訪其後人使奉祀並創書院於旁告病歸  
子中孚字信之乾隆甲子舉人歷官廣西桂平梧鬱道  
陳悌字次方武陵人少嗜學與兄愷相師友補郡庠知府王  
葉滋雅重之雍正六年 詔各舉所知葉滋觀察辰沅以  
悌薦引 見顧問稱 旨以知縣用蓋異數也分發閩省  
補羅源案無留牘文移不假手幕友丁內艱巡撫 奉□

之以勞瘁致疾歸子在璣字虞衡與季父孜醇同舉乾隆庚午辛未成進士令尉氏有姦斃案莫知凶者於別牘中緝之一訊吐實乾隆辛巳歲河決楊橋口城不沒僅三板堵築得不潰督僱舟人拯溺以便宜發常平倉粟賑卹之大吏嘉其能

顧世秘字採崑武陵人舉雍正壬子科銓知河南偃師縣邑緱氏山舊產煤爲侵訟久禁闔邑苦之力請於上復得開採邑人礮石山麓勒頌曰胠肘蜚腸大開惠圃錫我利源子孫資取載饗載殮匪侯何怙一草一環恩斯莫補每鞫訟片紙傳呼紙尾定訊期不令民守候子昌運字奎五由

常德府志

卷四十

列傳國朝

十九

附貢援例官山東莘縣逆匪王倫之變佩印持劍與民兵守城七十餘日賊甫平邑某捏報逆黨百餘人並首其子爲倡大吏擁兵城下昌運以百口力保無他皆得省釋陞膠州知州告病歸昌述字紹五援例官四川太平河南泌陽等縣有折獄才以訪拿土惡被議歸

萬崑字霞山桃源人中雍正丁未武進士累遷甘州左營遊擊左遷授廬州衛守備廬地水湍迅爲修閘以緩其流設藥材棺櫬之局施濟貧乏郡人有惠逮淮南之頌遷縷法營都司以老辭歸弟岱字雲亭膂力兼人乾隆丙辰武進士二甲第一名累陞定邊協副將先是西域歸化調領兵

□屯田復奉 旨搜伊黎餘黨及總理烏魯木齊駝馬糧  
餉事議叙陞陝西興漢鎮總兵卒於官從弟巍字鏡峯乾  
隆丁巳武進士壽春鎮參將

陳熺字蔚文桃源人遺腹生堂伯世卿撫之好學善詩歌中  
雍正壬子科乾隆丁巳 恩科明通榜授邵陽教諭重修  
濂溪書院捐學租以資膏火捷取知天台縣充浙闈壬午  
同考官

南巡各大吏謂其有才令彈壓台郡六屬所至多惠政左遷  
回籍士民爲建生祠起復補蘓州府知事以老乞歸著有  
石圃詩集

常德府志

卷四十

列傳國朝

二十

程煥字德輝桃源人早失恃事繼母以孝聞學使習雋器之  
爲諸生時呈請倡修邑學廟書院暨漳江閣捐修縣南通  
道橋雍正十三年選拔中乾隆戊午科補安鄉縣教諭安  
鄉濱湖煥助修文明院以捍宮牆邑大火捐奉卹之推□  
福建建陽縣修建學宮易向掘得朱子地記士民稱慶告  
老歸著有滋桂園稿

謝如式字孝徵桃源人乾隆丙辰 恩科舉人補湖北光化  
縣蒞任革陋規嚴賞罰有廉明聲致政歸以授徒自給時  
與同邑原天台令陳熺建陽令程煥詩酒往還

陳九霄字紫峯號雲圃武陵人清苦力學橐餽時不給舉乾

隆戊午鄉薦授浙江武康令力請賑卹水災邑有荒圩數十里山水冲滙之所多逋賦爲白大吏請減額征徙知餘姚訪前武陵令翁運標之後厚卹之姚民施某內喪武弁某命人往弔施酬之薄弁啣之時方嚴查左道陰使人於施氏神主旁注奉左道字欲置之死九霄在省聞之趨回姚究詰得其情通稟浙撫會審得白士民額祝以千數緣事被議歸著有滇南西蜀遊草雲圃宦稿

李世崧字光國桃源人乾隆壬戌武進士一甲第二名授一等花翎侍衛任陝西漁渡路遊擊陞江西寧都營叅將寧多水災崧屢食以粥自具冊爲民貸官穀寧人祠祀之

常德府志

卷四十

列傳國朝

二十一

朱景英字幼芝自號研北弱冠肆力於詩古文乾隆庚午以春秋經領鄉薦第一選寧德縣有積賊爲前令所緝獲賊大猾多誣良前令撈掠拘繫有瘦死者景英廉得其故一訊而服縣東湖濱大海前令倡議築隄鳩民金至七萬有奇四載績用弗成景英蒞任視之嘆曰一綫孤堤能與海爭利乎力請停止事載福寧府志循吏傳調侯官擢臺灣府鹿耳海防同知鹿耳門爲臺灣全部門戶同知實司海口商舶出八兼管四縣額運歲九萬四千餘石舊例凡商舶來自廈門者臺防廳分配船支大小爲六等轉輸廈門已運者免運一次前任有賣放不配運者船隻積壓至三

十餘萬景英乃設法帶運積壓一清嘗以臺地遼濶南北路兵單汎簿請添兵防衛當事韙其言復補臺灣北路理番同知署汀州邵武等府告病歸里圖書數千卷之外無餘蓄景英以文學飭吏治雖簿書鞅掌不廢吟誦淵博擅著述才纂修沅州府志書工漢隸子和塚附貢生工詩善分書兼通天文歷算於梅定九江慎修之說深有所得以父任福建陋規事株連追沒家貲晚年以活人術自濟姚其旋字叔元原名體乾武陵人舉乾隆丙子鄉試補清河以憂去繼補丹陽以失察吏胥罷職開復調補清江有武進蘇葉氏殺族叔案前令並二子定抵償屢駁未決蘇撫

常德府志

卷四十

列傳國朝

二十二

委其旋訊之本叔嫂別居而夜殺於嫂牀臨終時其父祝之尙有自悔語援此讞乃定蘇葉氏母子獲保全補長洲委審南滙命案株連者三十餘人悉獲開釋陞松江府川沙海防同知告病歸著有行厨集訂正鈞隱圖

覃志京字咫宸武陵廩貢少工文督學阮學浩有湖南十俊之目志京其一也乾隆己卯援河工議叙例授山東齊東令大清河泛京歷查親賑之建邑學修城垣革陋規以卓薦調漕縣縣濱黃河修築河隄五十餘處詳請捐築保隄葦地擢陞同知借補莒州逆匪王倫犯壽張臨清於莒爲鄰境京晝夜佩印仗劔巡城衣不解帶者三月議叙候陞

乞休歸

姜興周字兆熊武陵人寄籍鎮遠乾隆辛酉選貢揀發廣西補慶遠府那地土州州判陞興平知縣因親老告終養起復補原缺擒獲賊匪引見以同知用補□西直隸州派查災賑躬自給發不假手吏胥調階州陞知安陸府緣事被議歸興周性平易無疾言遽色年四十妻死不再娶不置妾勝持身廉介歷官二十餘載囊無餘蓄

陳熙志字百惟武陵人七歲能文乾隆癸酉選貢任直隸霸州永定河南岸州判派修隄防工竣餘貲悉繳庫大學士裘曰修奉旨閱隄寓署中月餘以詩畫贈其父熙志畧

常德府志

卷四十

列傳國朝

二十三

無援上意任霸廿餘年以艱歸補廣西憑祥州判苗獠猖獗委辦軍裝督運糧糈以勞瘁致疾部推補茂名熙志已前卒士民賻贈歸里

羅江鱗桃源人乾隆壬午武舉補貴州撫標右營千總歷官至雲南鶴麗鎮總兵乾隆三十六年從征金酋三十九年又從征大金川皆奮勇不避矢石所至有功

上屢褒之署雲南提督以創病卒於鎮

予祭葬蔭一子

吳經邦字堯臣武陵人山行伍擢澧州千戶送部留□□□三年補四川夔協右營守備出師東台伯噶□□□□

□□帶兵進勦經邦極力幹旋得首犯十人正法餘賴□  
活陞忠州都司子亭一歲貢生

周大本字立齋武陵人寄籍鎮遠乾隆乙酉選拔任諸羅令  
邑番夷雜處多毆殺上控積案斷決一清臺地遼濶多盜  
諸羅爲最大本輒單騎巡行腰弓挾矢搜緝之捐俸重修  
縣城加高厚郡司馬朱景英爲作碑記丁艱補山東壽張  
調署滕縣派挑伊家河以勞瘁致疾卒於仕

唐光茂字文燦武陵人由鎮筵鎮把總隨征金川奮勇奪礮  
剿賊累著功績歷擢廣東撫標左營叅將剿緝賊匪有功  
調廣州城守副將署韶州鎮總兵有兵民互鬪案光茂同

常德府志

卷四十

列傳國朝

二十四

欽使鞫之於百姓無所牽染當事稱美

羅南英字仙塢桃源舉人少篤學與郡人龔大萬周金鑑等  
爲莫逆交選中部縣地瘠民貧爲最簡缺南英建朱公祠  
以表忠烈勸耕讀助婚娶樂與民接不疲有訟輒趨治遠  
者就地斷結之解任民泣送者數千人百里外不絕藩司  
倭因公過邑大異之巡撫秦具奏 硃批如此良吏實鮮  
聞之陞邵武府同知告病歸善畫以雲林爲宗

于盼字仲明桃源人舉乾隆乙酉鄉試補茶陵州學正截取  
知西充縣充乙卯川闈同考官嘉慶元二三年西蜀□□  
滋事捐廉修固城垣操練鄉勇後賊匪圍城攻擊不□□

全無數調管西藏錢法及拉里糧務議敘陞知阿迷州州  
有靈泉書院倡捐勸修延師教課又州屬有義田義學數  
處亦久廢爲清復重設以老乞休歸

補錄